



10930

朱密所先生密林漫稿卷之九

門人

金陵韓國藩

集發

宛陵湯瑩

編次

友人

高安謝與棟

校閱

金谿周文明

選梓

伯孫朱恒敬

仲孫朱惺敬

季孫朱懔敬

全校

書部下

與顧涇陽丈

密林漫稿

卷之九

一

不佞自癸巳春聆台教于長安傾蓋平生之感頃刻弗
 諉乃迂疎少當路書嗣是牛馬風塵雖嚮王心神朝夕
 左右而跡類自絕賢者庸懃無當甘心淪棄未意破調
 冒轉得廁台臺寅末魚目溷珠駑蹇依驥幸徼天之厚
 愛我形穢喜不勝悚怍矣衰頹潦倒咨且弗前一二相
 知以南局清閑賢者共事千載稀遇真稱吏隱強之就
 道故濡滯于今取道勸駕兼承提命苦舟次伏熱手足
 病癘血應酬為艱不克留待解維而下回首黯然台臺
 出處理亂攸關海內引領兆足以行恐東山不得久羈
 大䟽可無再發徐俟春明一柅白門仰副 召命更作

商量如何順風不斬德音尤所懇懇

荅李懋明文津撫

弟自歸山耕食撫孤頗足自適但戇率多謗人之所忌
天亦厭之寔衰寔病代老無兒一切置之卽郡邑諸侯
問而後荅與世若隔耳目如廢間從舍親陳匡左問時
事大可浩歎群陰方蔽太陽無光臺下幾爲碩果若非
天祚 聖明治平末有期恐林下無安枕日瞻烏爰止
進退維谷同志望臺下砥柱中流撐持宇宙計此時且
須含容漸次反止取日虞淵或尚可爲也不然明目張
膽別白是非邪正存公論於天下萬世豈不毅然大丈
密林漫稿 卷之九 二

夫稱孔孟真弟子 主上萬一動念功在 社稷蒼生
小小毀譽得失知非達觀腦次所着者古昔法戒于今
不爽吾輩不能逢世盡其在我聽其在天可耳福唐可
爲弗爲弟曾回諍第繼之者多因人成事畏蜀如虎不
知新選諸公有開眼人能不胡盧樹赤幟否舍此惟當
痛哭流涕而已張羅之戶倏蒙周之不敢違尊報悚並
極感當如何浪傳摧殘吾省計必掃東家丘然後一網
可盡天乎人乎區區之愚信不勝疑爲之噴飯

荅李懋明津撫

衰朽山居十年已安意首丘課孫明農外自報 國無力與世若隔矣客冬奉台札猶未忘老人從舍親鄰匪石所乃知尊翁老先生榮壽姑逐隊布通家寸念不及躋堂稱觴爲耿耿津撫屬之大賢此公論推轂 聖明特簡雖清苦焦勞及所三難言者誠如台諭長安有識輒共董見老之權輕相爲嗟嘆果爾掣肘恐二公當以情陳閣部當爲調劑登津水兵專接濟毛將俾朝鮮有固志以牽制奴酋非忠勇智將熟練雄兵不可台臺文武全材臨事而懼好謀而成么麼奴酋且先聲奪氣不密林漫稿

卷之九

三

戰屈兵矣遄紆壯猷垂助竹帛所且暮引領者初任公私兼劇率復容圖別申

過濠梁寄李淮撫

十六年纔入長安乃知風波險惡壬人見忌卽先扼其吭而塞其口如某人者不啻瘋犬噬人幸賴當事衆正主持不佞姑置不校始愧而息聲竟莫如吠影吠聲舉國若狂一至於此不能不爲世道短氣又不能不爲人情發笑也危行言遜自是處濁世宜然惟愚戇終欠此學問於政府太宰攝憲及某某諸公前亦頗爲言生平所以推服台翁在遠權奸扶善類抑貂璫者以身以官

爲社稷蒼生計毫無縮避不佞所私淑不能及至與鄭
鳴老良鄉語次亦云然但謂諸叅台翁者僅訪挈朱枋
一欵多賦不能爲解他皆莫須有者故初以紛紛之論
而疑嗣復以紛紛之論而疑不勝信矣非然者吾輩比
肩事主將同道爲朋豈同惡相濟果百事正而一事邪
則百正不足蓋一邪一邪適以彰百正之僞也非真也
僞君子更甚于真小人猶然獲鹿非甘心濟惡不才者
誰肯舍己從人直是此中難欺人猶難自欺昔所服台
翁者皆真見真聞今不能不疑信半則市虎殺人旣非
一人一至而無虎無人三人三至者復自相矛盾耳故

密林漫稿

卷之九

四

不佞於政府太宰諸公前荅以是非襍出欲一語定之
謂之定國是必政府太宰攝憲三公之人品事權乃可
如不佞人庸劣無足爲有無官閑遠無能爲輕重安敢
溷是非場中討煩惱敗乃公事于世道絲髮無補耶諸
公僉爲首肯眉攢諸睥睨者漸氣沮語塞太宰真心爲
國雖群然以守相誣不無投杼一念惓惓對不佞共鄭
鳴老之言嘆當年論田東洲者爲少不更事一意推轂
台翁且耳語不佞矣不佞荅以人心未諒似聽東山再
起爲重某亦決歸此在自裁則所贈決去二字以愧小
人之留戀者正愛身以愛天下未爲過也台駕傳已抵

徐兼程而進亟圖待請不便入淮陰晤劉華老董漢老
高志知不可挽此大賢作用進退有禮不欲苟去必以
微罪行當移舟彭城下疏意合云漕舡過洪河防久代
止巡撫事劉某可兼且以張道不可知之說爲詞他誣
可忍此誣不可忍兩淮兵馬重鎮犯屬大不韙之謗不
敢不去去又不敢不速懇切三疏若不得 旨方以印
牌一切合交者令中軍送劉老先生另具本繳 勅庶
於地方責任臣子去就爲兩得之一時崇政諸君子因
而明目張膽舒其憤悶是未可知臆見已披肝于董漢
老渠業約彭嵩老代請少緩須臾借箸之畫無踰此者

密林漫稿

卷之九

五

一行百解萬無他語老子退一步法畢竟勝著不佞將
假此歸田高臥北窓矣良晤莫期執筆於邑

與李撫院

奄人雲擾近事可訝賴台臺節鎮三輔狐鼠縱橫不至
如吳楚滇粵卽生等且倚匿其尸素傾心可知昨誼傳
江州馬草場之查增添一番棍徒四出橫行因連名以
書告刑監雖耗而聽左右猶有愛好心腸回札一切不
認近聞裘廣二棍惡蓋黃圖金咆哮於儀揚間隨從奸
黨百十爲群肆其魚肉莫敢誰何知台臺必廉而切齒
者敬錄刑札差役覓覽伏台臺之靈執此密縛三棍投

之縲纒其諸非原奏有名蟻聚逐臆者一一挈寃正法
收其渠魁剪其羽翼庶霆折之下無弗肅清江淮南北
盡屬普度台臺功德無量者生等誼切同舟仰體忠愛
虛懷共布愚悃臨隸無任惓惓

與李撫院

近閱邸報道臣削藉總戎革任闞勢日熾大禮未聞影
響時事可駭可慮縱言之無濟恐身言責者不容默也
台臺其何以提命之寶應士民負寃專賴 主持乃傳
陳增密縛之去得毋先加刑審羅織口詞以待乎果爾
亦須有方寵絡使不我異渠倚至尊難以力爭不可不
密林漫稿

卷之九

六

善爲謀永生洲係南北咽喉既改設叅將周家橋必屬
之始成臂指相使之勢他日免推諉掣肘計安遠猷當
出於無我徇一官之小不便以妨大便可乎不佞既
題當聽議於諸臺倚教愛之私仰體虛懷漫及毫無成
心亦惟高明裁示觸時憂 主鬱塞倍常莫知所請引
領德音

與孫拱陽陝撫

弟疎顛無當 寡知希所休戚一體者惟兄翁及匡左
赤石憲葵繼疎諸兄匡左不祿長安中無得力故人太
宰選郎惟墻高禮卑者是急兄翁惓惓之囑若置度外

此寔弟衰庸貽羞矣今以百日尸素叨 恩祖父儼然
稱同卿而南光榮已溢分願但傳欲以弟少卿缺陪奉
有力遂借力催官弟慚未陳一得未効一臂等之不稼
不穡之禾不狩不獵之獸爲伐檀君子所耻敢薄外而
尤人耶諸凡令弟玉翁或能詳之兄翁道義隆情泣別
妻斷弟席庇在京而病今出京而健恐官祿定於南豐
樂醉翁間真逸我佳境倘藉延年環滁皆不異家山水
石鹿豕當候兄翁入總樞憲銓衡或可假資捧承教以
續良晤所大快而未敢必者次涿鹿停車布悃三秦時
號多艱倚重大賢嘆繫安民在重懲貪酷驅豺狼而寧
密林漫稿

卷之九

七

雞犬廣生厚儲選將練兵皆時急務 朝廷倚秦作萬
里長城石畫必預也執筆神王欲吐盡塞需庚布以異
日時夏初之六日

與劉按院

昨歲偵人弗確不迨持杯水侍教齋宮悉所欲請尚爲
歉衷一程循例乃煩從者慚更倍於感矣台示所頒狐
鼠自當潛跡敬服敬服奄人爲政動果掣肘但幸刑監
雖既而偏信左右猶有愛好心腸且年高已富貴可誘
掖爲善者故弟驟聞視惡雲擾不勝憤憤輒欲相約有
言而有識者云 天聽日高與言之無益莫若先開諭

之使其不可言亦未晚今南中科道聯名告以書取有
刑監同札全不承認錄其稿呈覽便得禁奸戢惡保全
良善此輩大率如嬰兒當其啼泣叱咤之益號反以號
詞止陽與之而陰制之使彼爲我用能庇地方似無不
可者如何包曠一說劉監謂渠疏只以四千五爲率而
牛春老則定八千餘與之矛盾渠若意在恤民而春老
賣之致其見疑蓋此人機智又非邢比者百凡行止我
自有主莫如與商之令其喜而樂從爲利更易知高明
自有妙用倚睨布其愚蒙仰備芻蕘之擇冗不一

荅張葆一四川按院

密林漫稿

卷之九

八

成都安定重慶恢復台臺勞苦功高雖奢賊負固蘭地
阻隘愚意只斷其出路兵不必多或飛檄聲罪令附近
土司有効忠誅賊者以賊土益之卽賊司親支把目亦
然且矢心協力攻水西救黔省則寧黔乃所以寧蜀斗
大之蘭直釜魚耳近聞張涵老於政府有貴陽萬萬無
虞之語長安日引領露布大都 主上英年勵精有警
有捷似 廟社之靈福氣非凡者紀功太常朱恒老必
部堂別任台臺開府全蜀旦暮事也願益進步竿頭珍
重以需特寵

荅牛春宇按院

不佞迂愚無當幸台丈南巡儀刑不遠未克先効芹曝
布嚮王一念而翰貺且儼然臨之感悚寔無可喻敬拜
蒼頭代跽鳴耿耿仰體清嚴惟循常莫包容耳時事多
難天聽日高台丈國手其何以爲挽回計乎聞寧之
礦銀不盈數十兩而中使欲那移二千進樣然否此輩
亦懼得罪然則就此調停使爲我用或無不可愚意開
採所獲所費台丈必領承委官逐日呈報的數且代邢
公處置塞責隨與商量據實請罷邢公惜名尤自惜福
動以仁人之言萬毋弗聽從者目今可爲地方僅此一
密林漫稿

卷之九

九

著知高明自有定裁贅矣

荅饒業明憲長

以台臺之正品宏材初抑於庸直指而公論已昭三陪
銓司乃尚循資外轉不佞常爲扼腕十年山居杜門無
由向人喙口耳弟耻于逢時短于用世不但絕長安字
卽郡邑諸侯僅問則荅寒灰復然知鼎噓之賜不少奈
精力實衰遂巡踰年竭蹶趨朝亦謂冲主聖明衆
賢群聚勉出一覩明良盛會幸獲先人京堂恩贈
便圖陳情返初服何當高雅遙頒翰賜大悚失據禮重
違尊強承無所名感矣台臺隆望中外推轂總憲可以

開府時艱需人或只且暮事不必堂卿作贅員也率謝
會劇依依神王

鄒匪石丈北還省覲便道遺書遣人候之

生衰極否極今春秋兩番危疴幾登鬼錄皆五十餘日
徙倚牀褥間前苦脇癆後苦傷寒席庇苟活一知饑寒
調侍燕人竟日夕以痛長女失所病亡矣此天厭不德
祇當安命修省敢誰怨尤乎但孤孫僅長者可置膜外
寡媳之幼男女婚嫁行聘三大事未了意總攝了此奈
鰥居勢弗能矣已拆爲三令各宅依母分理貧家生亦
力田自饌坐臥一室蕭然如野僧耳轉覺况味清適甘
密林漫稿

卷之九

十

食熟眠倘多延數歲視寡孤男女成立共老農老圃笑
傲歌游或醉村酤呼鳥以需蓋棺足矣復何所羨尋煩
惱乎雖 國恩未報 主幼可慮幸群賢門闕君子道

長明公扶搖萬里倚 宗社之靈勁翮凌空赤手扶元

作者中興名世無湏老朽腹背之毛傷知人之明且來纔
息者按劍爲明公累也况覽邸抄元輔戀權履短不肯
放手必傳衣鉢方休閣中已八座特簡仍從中出振古
怪事恐元輔當執其咎新叅亟膺殊寵漫無替救近以
論經畧者勘經畧非邊臣解體則臺省落魄所關匪輕
嚴旨堅持平章寂若將焉用彼相哉不可謂官府有託

孤寄命人杞憂觸念一時未免飡噎寢忘恨病弱無身
可致如明公之忠悃訐謨久宜破格大任尚遲有待無
異向者仰鼻息銓衡神奸盤據言路正人果度勝邪否
台駕遍兩都詢廣斷獨得無平心醒眼遇平心醒眼諸
賢乎引領詳示之以懌懸切又求安枕永年樂觀太平
者弗容已也太夫人福壽康寧每從鹽城及潭府出王
者知之而無奈貧老百弛起居遂闕開臯摩寧袁原之
乎雲天高雅無以名感渴圖侍請擬春明爲期不腆一
芹真樵翁家風也

荅鄒匪石丈

密林漫稿

卷之九

十一

以太夫人淑媛有才子大賢徽懿之盛光顯之殊未易
鋪張乃屬之樵魯老生得無付匠人以大木將令斲而
小乎但辱道義通家冒昧執役附名不朽亦所妄願矧
台命儼然臨之誼不敢諉統恃大方家狀董金石可藉
胡盧塞白呈就郢削免灾石耳當蚤圖贖上他日免罰
爲幸安敢拜賜卽胡蓬老封翁誌銘効勞加惠業已固
違在仁孝知己深交似多此套敬完來手必能原之跡
外也新喻一舊契堪輿黎圓明者地理日期皆精最慎
許可其人朴雅輕利昨欲送至覽勝叅詳因渠有別約
暫去端節後重來令代躬陳其一得見之當自可也

又

遼陽臨敵易將已犯兵家大忌而兵餉不湊手議論不
同心明明大臣言臣中制而敗日與二三抱杞憂者慮
之知有今危也總戎賀賊既降外必破山海內必擾天
津京師恐不止震動荒駭憂迷恨無身可致無力可効
衰老鄙人惟蚤作厲鬼以陰魄結草令奴酋就縛爲快
耳曾告陳匡老謂中原十七撫院各能弭盜安民足餉
足兵保其封域如周之至于太原爲得中策跡唐虞三
代幅員數倍廣遠矣不知在在得無繹騷否 主憂臣
辱中外推轂大賢正殷旦暮或有奪情特簡喫緊爲太
密林漫稿

卷之九

十一

夫人襄事移孝作忠尤所引領匡老家眷近旋計代長
發須秋冬交絕智絕力謀勇之士訪求留神此備左右
此豫待第一着也 社稷有靈堂堂天下百倍弱宋未
必無張韓劉岳起而發憤應運中興倚大賢力圖之歟
天下事易成天下事難大忠臣在思爲其難者敢以難
期不覺長言

與鄒匪石丈

昔苦言路塞而釀亂今苦言路混而成亂尚幸 宗社
有靈群賢彙征大寮臺省多正人光宗一月治功足稱
幹蠱此時方孩老道長條議侃侃竭智杼忠毫無顧忌

真成天下大事奇男子故極推轂門下亦聖賢豪杰意
氣有不縮而結者合併群策群力勢尚可爲恐有特簡
奪情之召不容俟駕太夫襄事吉期已擇七九月適黎
員明堪輿至造命星術最精步龍定穴亦有確論曾於
令舅右泉家識之塵埃中特送効用試之當見奇也倘
獲吉早竣便於移孝作忠更於臣子道兩全故令先謁
而後赴舍親陳鑿老之約誌銘台委羈家兄七十壽筵
既望有候鑿老新居行謂有所商量促者三四至漸署
遠涉不容復遲耳太夫人塋吉定期筆扎之後定無延
悞統惟知已原之絕智絕力人或未易得有智有力人

密林漫稿

卷之九

十三

不可不多物色以備左右也得否示慰

與鄒匪石丈

山中病夫耳目如塗頃袁友至奉台扎浙錄及高足硃
卷之賜乃知錦遊駐蹕敞境遙瞻紫炁尚英英恨闕主
道耳誦教戴德不趨叅前亟切摳賀衰朽實苦力疾百
叩蒼頭代躬不腆之將亦芹曝寸念弗標之門外爲幸
也門下資深望重久當虛席銓諫首召度八閩定借寇
無多日太夫人祺健北堂稍以辭遷延少耽東山天倫
極樂未有不相諒者吾郡文運下邑正否上邑方盛但
近俗得意人無不變塞躬倡而力挽之不令郡中多一

冠裳便多一戈矛似吾輩有責願大賢留神引領特簡
爲世道主持公是臨岐必圖侍請據案神王

荅鄒匪石丈

建酋勢必內訌近五年遠十年衰老家居有詢時事每
兢兢慮之因傳聞借邸報一覽恨不能身當矢石滅此
醜虜而後朝食奈病甚莫與怒髮衝冠空切杞人憂耳
奴兒哈赤兵強智狡必主撻伐折其雄心以勦爲守守
乃固以守爲勦勦乃勝前禮部所陳能斬建酋者無論
華夷卽以其地居之先聲落其膽使不敢離穴又反間
搖其心使不得遠窺以全勝制么醜奚啻釜魚乎江海

密林漫稿

卷之九

十四

隣倭西北勾虜東南勾倭擾我應接亦建酋奸計所必
出而制倭無踰海禁除登萊海運者沿海漁樵者編號
立保甲密訪詰其餘海販巨艦畫官給價募其水手便
作水兵絕技絕力有名鹽徒海寇或亦不妨羅而致之
幕下彼能無功名心可改邪從正乎承示條議皆長慮
石畫且儘可免會 題得以職掌專者毅然行之當此
國家定難綏靖之日諸君子必同心愚謂募兵固不容
已練軍更所當急時將開操操法必如浙兵一甲中定
一兵挑鍋釜鋸鑿以備行師出城則隨地搭營衣盔纏
束儼應敵狀正兵法所謂居如守行如戰庶登壇操演

不仍前等戲場至于標軍別于選鋒選鋒別于常伍須
從公較技角智鬪力分上中下爲標選常不佞巡江閱
操曾用此法智難卒辨聽自以力技預呈較試常伍或
拔爲標選標選或降爲常伍一味至公誰云軍終難練
於兵者兵易募而餉難措精兵人人當百止募一千備
禦寧留餉待有警增募未晚募收弊竇多端不可不留
意也南都外城遼廓人稀幾於清野城卑繩梯可度無
須奪門守城仍用主常伍其三營選鋒各門用統領數
人彼此更番與常伍得相譏察均勞逸免通同一酌緩
急輕重而調劑之何如特虛懷竭其芻蕘皇恐亮之

密林漫稿

卷之九

十五

答陳赤石丈

湖山迥隔問聞爲艱弟自歸臥來日衰日病杜門已與
世忘卽世不能忘我馬牛任之呼姑成一鄉黨自好人
還吾故吾期無玷知已耳同心異跡朝夕係懷昨歲忽
從陳心慕公接手教宛然面語詢知封翁老伯同封伯
母齊壽而康令弟如翁兄及郎君輩多賢聚順一堂天
倫極樂此宇宙大快最稀覯者眎弟之終天抱恨且身
任孤寡生計天壤懸矣殊惻遠念弟少順老逆或乘除
常數當安之矧席庇幸生曾孫於乙卯閏月今時時牽
衣呼太公次孫將學文遺腹幼孫亦就蒙師能句讀服

與田家坐林皋談稼圃近覺胸次脫然非喪明戚戚舊
衷篤信立命學問在妖壽不一切俟命適此餘年耳
一息尚存此志未容少懈朝聞夕歿何在願兄翁有以
提命之迂懶百弛尺一報謝濡遲于今且緣心藜公僕
立待不能另修起居于太翁老伯如翁大兄統恃道義
世契能原之跡外均乞出此人秋水落湖平弟尚思買
山陰之棹作月下之訪躬信契濶第未卜六旬老人克
遂願否讀心蓼公乃翁孝子傳弗告亭稿學行有源過
舍聆其談吐瞻其丰範信廣文中錚錚者薦賢克効心
力自秉彝之良惟弟上交久絕非問則荅恐無投機處
也時暮春之望前日草草

密林漫稿

卷之九

十六

又荅

世道治亂閑 國運否泰君子小人之消長因之非偶
然者此孔孟無奈春秋戰國何匪今斯今矣惟時與勢
萬不可強行道明道無非責任而行道者身枉之明道
者身謫之吾輩既不能枉道徇世又不容空談謫道無
踰靜默自修孝友爲政與鹿豕遊與木石居作深山野
人耳孤陋寡聞只杜門塞兌絕俗言祛俗事適此餘年
強視孤孫成立得瞑目益棺事兄翁不吝數語飾其生
平免得罪名教無賢豪諸知己足矣聞太翁老伯客

歲笑壽九旬真聖世人瑞滿堂錦舞桂蘭馥郁占斷天
倫樂事又今古所稀弟辱猶子未知失禮當俟秋高一
葉可掉躋堂百叩稱觴兼慰嚮王儀刑夙念陳先生文
行不愧蘇湖師範弟安敢蔽賢但此時非諧世之人恐
人按劍未敢輕蹈東林覆轍翁兄得無然之乎索報者
迫率爾不竟億一統惟照之再布

與陳赤石丈

弟別來否極衰極前歲回祿重災僅存周身衣履昨歲
兩番危疴徙倚牀褥皆兩月餘幾無生理席庇苟活一
知饑寒調侍燕人又病卒矣鰥寡孤孫居無合宅已三
密林漫稿

卷之九

十七

分之各糊其口弟亦子處自食蕭然似野僧耳三孤孫
長者可置度外二幼婚聘未了一女孫當嫁皆付其節
母大費處置無可奈何勢不得不隨時自安順適延此
餘年視孤寡成立別無妄想煩惱也 泰昌一月新政

勝 萬曆四十八年 大行皇帝賓天之速未必非宮

府忌其英明使然大可痛恨幸賢路大開乃剛正如兄
翁指不多屈者尚令出臥淮陽似水火未融或以盤錯
假利器則不可不奉命亟出造福一方蹉跎失此用行
機會正我孔子栖栖意望之弟從理宛陵迂拙不壽人
亦不令人壽五十六十無聞皆自潛跡今復無力故道

義最契在兄翁及南皋兄寧聽知罪矣鄱陽陳先生廣文之賢者以陞任河池別便附起居呵凍寫積耿近緣敝鄉油價騰湧學作打油生活漫書扇頭博笑封翁老先生達尊所生平嚮王者以通家子弟慶吊俱失敢叩賜實錄綸音將効俚言於諸名公後懇切懇切

荅陳赤石丈

弟迂懶倍昔久少長安字以次小孫之岳父鄒羅城改教聽選曾附數行僅與敝同年王憲老兩函耳冬於敝邑熊承差差忽拜手教倦倦淵然古誼矣一紀理丞十年家食寔病寔衰出山念絕張羅之戶歲裏報起原官冷

密林漫稿

卷之九

十八

灰復燃非兄翁愛而忘其醜吹嘘大力不及此雖老蹇加策終弗可前令公論未棄足定蓋棺事極快極感無所名高厚者當傳世世斷結弗諼逆酋內侵招兵召亂在在困窮群賢滿朝卽遐陬老幼自引領協力忠謀外攘內安作太平民乃野無遺賢朝無定議令人扼腕甚於神宗倦勤時此其故可知無惑乎翁兄以世所重倚而輒示歸念也福清公精忠壯猷爲英主扶顛持危而至如颶風海浪中欲登彼岸必鎮定把舵不聽異議持疑方使同舟鼓勇可前也翁兄自有石畫佐之非野樵所可緩頰面時千百致感念爲望匡兄來弟百

凡想能代詳執筆神飛不究詹注意一

寄錢梅谷丈

漢陽蕭漢穎先生良譽楚之名賢也不佞李宛陵時共
事三年餘其真修真學真品真才動師聖賢政崇教養
高齋有語錄水西有講言陞任有過庭代對家視郡子
視民不茹柔不吐剛治行直是古人作用渾非俗吏至
念念承懽繼母事事歸美伯兄篤厚朋戚周卹孤貧藹
然天地萬物一體襟懷而病以勤王歿以哭親可謂忠
臣孝子全生全歸者宛上許憲副至當能詳述聞尚未
與鄉賢之祀無亦觀風者缺典乎或以子幼勢去爲之
密林漫稿

卷之九

十九

侄者又未便先叔而後父此非明公破格徑以已意行
道促發查申求學校公論於此時有河清難俟者倘謂
蓋棺事定俗套可省得如姜養冲公之於舍親范見復
先生則攝學道日遂檄府送主入祠遺文遣官致奠令
孤寡毫無求費大所願也惟高明圖之

荅金嶧桐方伯

自昌平通謝後得陽和特簡佳音喜文武全材將副甲
午邊臣之禱勉事 聖君代忠有故人迂踈衰朽仰負
上恩可藉手圖報正首丘無憾矣天人共厭已未被回
祿重災僅存周身衣履康申兩病幾登鬼錄一知饑冷

勞倦內人復故子喪孫孤無宅可統已三柝之長者依
祖房二幼依寡母子居獨食蕭然似野僧轉覺清適張
羅之戶條承周急腆惠無所名感矣雲中山外大邊不
可復因山築城事半功倍或忠信篤敬既孚後得漸舉
者十二條陳具見石畫開府總督入握樞銓歲月可計
幸爲國琛重需一品顯揚作大忠大孝名臣是所引領
者陳保定舍親霸州以署卽真無非鼎賜正外艱家食
自當銘啣結者詢郎君皆英異燕越聯元可知長小孫
年戊戌今三戰場屋次孫十五入泮遺腹者漸通文女
孫將遣嫁不佞苟活爲化子了尚平願無他妄想逢人
密林漫稿

卷之九

二十九

萬勿說項令成其山林棄物可也遽使索報逼迫力疾
口授不竟依戴

荅舒泰廷直指

不佞多災多病心長智短性慙才庸難於任重道遠敝
鄉諸賢所知而憐者况生平無當路書絕俗交套寡和
廢人從癸丑歸山 國本既定惟引領外輯內寧祝頌
聖天子萬壽老太平世詎虞建酋狂逞戰守失着破敗
如今不幸飛蟲弋獲偶皆億中祇恨無身能致直以早
作厲鬼結草縛酋爲快耳但幸大賢柄用君子道長當
一心一德爲國長慮尚覺水火未融主張無人非倚

聖明之福 廟社之靈局未易定此時喫緊省直兩臺
弭盜安民足食足兵卽閉關謝質如周之至于太原亦
得中策况天下勤王有備先聲奪氣或可不戰而屈酋
所賴方內撫按力更不小也在先驅郡縣之豺狼寧閭
閻之鷄犬以好仁感其好義樂於輸將如手足捍頭目
子弟衛父兄固此一方轉瞬報 命讜論訏謨中外係
之而法明賞罰賢辨真僞環賜諫臣玦絕內批又頂門
急針皆大賢學問作用所裕仰應虛懷俯慚贅矣若不
佞匹身乘雁無足有無安敢煩輦上諸君子費敲推耶
勉事 聖君崇正斥邪極亂爲治是所倦倦於知己者

密林漫稿

卷之九

三十一

心銘高誼莫能口出率謝神王

與吳師每民部

不佞出山以喪子悲哀知己環而強之出意假此行報
主少荅天譴姑消悶懷耳乃薑桂之性益老益辛不能
逢世有慨乎國本有危疑之憂凡科道顧者輒以時事
無踰於出 封近臣世臣九卿科道文武勲戚公疏不
可已科道諸公各单疏更不可已亦信 聖明從來不
畏天變畏公議不憚廷諍憚輿論不率由舊章而動以
祖宗之法愆忘於中葉者藉口畢竟 聖明愛惜名義
大非庸君昏 主作用惜有君無臣吾輩實負之如不

佞蒙不殺之 恩叨不次之擢尸位曠官涓涖未酬則
今京察所當首及倘免顯戮掛議削籍不久妨賢路則
所大幸大快者蓋自歸卧山中內省行方而智不圓心
長而材實短用世非具業與世絕牛馬任呼知罪爲之
忘矣生長道學之鄉耳目君子之教所以立命在妖壽
不貳吾儕勘破生歿一關他真漚露之末蕭以孚達觀
說有味哉門下曾憶之不變塞乎不佞迂拙寡交司李
大邦過大功小大邦之賢人君子厚道包容有今日不
佞之於宛陵奚啻桐鄉乃諸生相知湯霍林以文張生
洲以行門下則文行信服愚父子延禮取益最宏最久
密林漫稿

卷之九

二五

哭子懷賢輒動夙心生平少長安書况忘者滿朝 計
典待罪恐知交半字增乞哀求援口舌卽有便鴻任其
飛去不問也此時公論已定嫌隙不生適先姑之子何
君起鵬先室之叔姚君萬里以明經選應除銓部特作
郵筒通數行鳴耿耿不佞伯孫生曾孫能笑弄步語時
時牽衣呼太公昔之戚戚今已蕩蕩不以三公易惜伯
孫質美不學此賢不肖天也并怡然聽之門下道義知
愛惟竭忠盡誠勉事 聖君樹無前偉勩今後之人皆
云此朱司李時所識拔載錫之光歿且得申以人事君
一念願門下無負期許是所惓惓者據案手勒神王語

塞

又荅吳師每民部

不佞自童稚知句讀先外祖講學爲鄒東廓先生門人
教以良知久習薛文清公語錄謂知一字行一字知一
句行一句益信知行合一乃真聖賢人之生直罔生幸
免內省不疚無惡于志君子所以不可及故此志旣立
直行已志一切毀譽得失生歿俱置度外不畏疆禦不
侮鰥寡豈足下三十年謬號知已非僅僅湯嘉賓以文
識者曾亦未深信乎君子有朋小人有黨耻爲小人安
得有黨而盡盡抹殺君子之朋謂衰朽非東林同志不
密林漫稿

卷之九

三五

可也孔孟從來教人定見定力在此處着眼着脚一息
尚存難容少懈周旋世情無裨世道保全晚年功名恐
非足下與不佞期許初志不覺肆言惟足下可以肆言
耳何舍親歸奉手示盈楮高雅倦倦猶然澄清亭上感
不能口出適范貢士世芸別不佞據案附數行借此郵
筒神王若塞時春仲朔二日

荅侯道華廣州

自乙冬輿病歸山甘心淪落如與世隔昔余元初文傳
高雅倦倦休戚一體不趨家庭骨肉曾函數行寄長安
鳴耿布感而台旌已錦旋未徹主記昨冬假道錢塘傳

門下亦抵省東渡隨遣人訪之居停人求懯渴念報復
買棹山陰矣良晤之艱乃爾解纜回首不任悵鬱白門
數月深尚未黔偶承乏入賀修塗溽暑束于大禮不敢
憚勞十六年方一入長安倏遭疑侮彼此有捐想見之
必爲短氣且發一笑也幸當事正人相信主持其人愧
沮自慚愚戇無當諧世鮮術辭 朝便出都門此差例
得來秋還任病軀實苦追逐薑桂之性老而益辛用世
非具似不如高臥以謝忌者惟 主恩未酬負臯重大

亦恃有大賢隆起撐持宇宙不難撥亂反正雖江湖不
敢忘廊廟之憂得藉以安枕矣羊城繁鉅甲于天下蓋

密林漫稿

卷之九

三十四

付盤錯於利器知游刃有餘大都執簡御之約已先之
爲要領耳詳詢遽使云道體果小遺和恐特簡重非尋
常外轉須萬分清心寡欲養身便是養德愛天下必始
愛身知人喫緊有可托者合郡事暫托僚友各邑令靜
攝就藥數旬不邇聲色明告于上以暫攝郡事托之其
僚友邑事托之各令竢稍痊可方出上未有不亮者惟
門下以道心耐煩圖之督府張見翁敝鄉最稱莫逆契
者曾借重定是加意况賢賢相得更無竢他人矢口萬
不肯輕聽其退讓在門下萬萬不可作如是想也壯年
壯志門下決不多讓人卽功名念薄忠 君光祖之念

可薄耶爲世道珍重是所引領不佞歸抵建昌道中去
寒舍六舍遽使轉走一舍餘承貺大腆以旅次莫克作
報不欲全領而遽使再四跪請傳命殷篤不得不過冒
殊悚非據矣近慨世道壞於人心人心壞於學術學術
壞於背正崇邪居留臺時商之一二同志表章朱子爲
挽回計重梓其書建藏書樓於發源闕里頗有津津歸
正者刻已十數種容遲圖端上爲謝行者赴家早暮戴
星火下草率恃愛不及吟哦四六鮑子必原我非簡契
濶之衷不宣億一亮之

與熊衡臬叅軍

密林漫稿

卷之九

五五

匡老靈車何日出長安發棹潞河杳無音耗若抵龍江
已檄驛官馳報必不遠百里渡江爲料理掛帆而上尚
未卜其到期秋風一動罔堂五卿先後當避席中秋前
後不容不南還矣初番入都惟昔故交皓首諸賢敬信
益篤辛丑以後由外任科道部寺後進者似惑於奸黨
勸駕之彈射視若尋常濫叨 覃恩詔起廢人又賤體
偶誤以治疝藥傷於燒酒昌寒都下痰咳兩月餘悠悠
尸素寔南移爲快矣席庇遂儼然稱卿 恩及祖父反
之癸丑迫於異已矢以社山樵全晚節了蓋棺事念不
及此又如之何爲快者况入瑯琊無馬可數有勝可收

泉香酒冽水深魚肥未改醉翁口所謂朝市山林真稱
仙吏惟是不殺之恩不次之擢荷 神宗皇帝洪恩涓
埃未報感激莫効啣結昕夕悚忤弗寧况此段作用乃
神宗實錄中至仁至明可法可傳者不可不使天下後
世知之故衰朽事 君之日短因明職掌慨時事并冒
瀆 宸聰似嫌於標榜寔爲 皇祖聖德當爲闡幽未
必非法 祖一助他日 皇上覽省便於英斷中有多
少轉動處非故作少年鄙態自露其醜台丈亦原之乎
否自思城兄外卽饒行翁薦師未便空槭煩裁荅故同
鄉諸公槩難異同一一煩寄聲徐明老傾盖知愛推轂
密林漫稿

卷之九

二十六

高誼及劉江老有鄒屏老之托今亦不及另函幸商時
出此二疏揭附覽所托 誥軸領寫當不食言屏老陛
息曾亦代問否何時當令其人至京詳示以便傳知并
榮轉達近佳息懌懸念諸需嗣布

荅長安書

昨歲不知榮發的期以病冗失偵及奉手諭于錦城居
停者已濡滯數日傳台駕抵省遂行不及追送數行爲別
正悵念無已風雪擁爐翁兄長安之注念好音又至矣
知 恩封再寵得時而駕不勝感更不勝喜黃公坪所
築生瑩漫漫曠地得水起見堆阜翁兄云水深龍背現

共目者稱快且問鐵仙穴土僅方丈同季弟共域業竣
工矣迎覽無緣玄教已悉此又功德及世世者 光宗
定陵報詳風氣完美爲 社稷萬代造福視福一群一
省豐備天淵願安意竭忠然後食報京卿開府未晚也
新主英妙不親 郊祀當言者默默真誠愛 君者自
難械口忻服幸便示 大疏弟否極衰極晚年偃蹇兩
番危疴幾登鬼錄纔幸苟活而一知饑冷調侍人又忽
病故苦無居宅已三分孤孫長者依祖屋二幼依母弟
亦子處自食甘似野僧百任之弛轉覺清便倘多延殘
息爲幼孫男女了向平願孤寡成立老太平世不漸蓋

密林漫稿

卷之九

七

棺鄙意便足便無妄想惟日引領翁兄諸大賢調元輔
世計安華夷勉事 聖君萬勿更以庸弱弟置腦臆免
異已者按劍相累大賢此腹心之語况辱病寔艱出戶
不獨姜桂尚辛逢世艱也亮之亮之

與王太蒙撫院

敝邑追徵法良逋少耳目所及無如楚王鍾白蜀田鍾
衡二父母而執簡御繁則王之長單更可通行官不勞
心力胥役毫難爲弊如今四十五年秋徵便於夏末出
示令見年經里傳知各甲各戶除願總者聽或經里不
願總各甲或各甲不願總各戶卽升合聽開戶自封本

縣先定一長單格式發鋪戶刻印發賣凡納戶總者開者各從糧丁多少優免實納多少單分陸限各填一樣貳張一付納戶自執赴比一留縣照區釘簿比卯足限者免比完二限者免二比遞完遞免應比卯前二日將收銀櫃簿發該吏書將留比單簿清填完欠欠者視欠多少爲責輕重押追封完此良民樂於先輸奸頑難於營躲王公之逋無十二如期考績而田公之精詳逋尤十三之上四年方藉上調停始得給由今賴恩臺軫念以上疲得七分題旨官民非常遭違但非實行長單細聽開戶如前易知一單上未之行民未之知比時任密林漫稿

卷之九

胥役開數突比良者仍嚴併於限外頑者得管逋於限內遂致頑安枕而良苦嚴也邑繁事冗勢必任左右由未得王公執簡御繁要訣耳倘家祖臺立式通行逋糧縣分如敝邑取足七分雖糧司派數十分難於減例長單或不妨寧令以七分半分納於前四限餘分納於後二限不完四限者定加嚴比後限俱置不問良盡鼓舞而前頑與貧戶徐以六限完七分必不敢違勢豪之家武斷之士一無假借欠多者准其申發糧館併追庶官不畏逋縣爲阱地民有所恃以寧鷄犬矣又清糧數開單隨令各都經里總各圖各甲各戶糧丁自開總則都

合各圖圖合各甲甲合各戶分則爲戶爲甲爲圖爲都
皆責之各經里先清冊送縣發各都總圖總書手筭清
以合縣總無差令各備長單鈐印一存一發二月之勞
一年之逸倘仍以權付該房胥役總者開者任索刁勒
良者不聽總頑者不聽開高下其手欲清逋難矣伏候
台裁

荅王太蒙撫院代改憑限

哭子餘生奄奄杜門卽尺一未取輕瀆台嚴知辱道義
素愛中能原之跡外耳仰承台諭及改限劄付祖臺瞻
而忘其醜曲成高厚直與生我者等席庇苟延殘喘有

密林漫稿

卷之九

三九

身可致敢弗竭蹶以趨負祖臺知遇耶感激涕零百拜
祇領至軫念疲邑爲彭令多方解之當事者無非仁人
稔高安之苦俾及寬政頑民亦有良心豈遜倪寬之民
第今天下物力萬不及漢時矧虛賦積累頽災瘠地乎
且所諭逋至五分以上就彭令任內災歲未豁并帶徵
通計乎抑除災計之乎無災而逋者民雖市兒女當効
背負車載之風若總凶歲積逋槩不分別繩以重罰例
恐民不堪命賢父母惟甘以官當之將來視高安爲畏
途不然入其邑殘民以逞勢所必至今不得不爲百萬
生靈求援於祖臺非援令也懇乞推原當日多派舊例

初意將此項另筭外明示應完若干准令給由令可有辭於民民自爭輸以全令於祖臺憂 國憂民盛心庶幾兩全倘農部執着徒爾困令民遭日甚於國無裨片言九鼎尤所引領於祖臺痛切剝膚不覺漫言皇恐歎罪稍堪方疾喘容匍伏荆謝不周戚縷

與陳中素按院

江右困疲瑞爲最而瑞之困疲高安尤最故仁人在上無不目擊心惻奈郡自戴守去後未見有官僅林別駕明斷差辨署邑停舊徵新署郡盜息民安勇於任事而嚴暴恣性追比過酷恃才用果雖感者多怨者亦不少

密林漫稿

卷之九

二十

要之良懦猶有所恃安枕絕無黠盜告扳擾也前任彭令當高安水旱三年極力撫摩免于歿徙苦催科之艱寧無官保民不忍無民保官五年方獲給由至聽理弗徇徵收隨解又高令首稱執慎者今陳令以賢繼賢豈弟爲質砥勵宅心有守有爲寃其規恢真古循良君子但以瘠邑積逋非加體諒勢莫展布近如兗漕皆攝職事無辜蒙叅士民扼腕想諸公祖洞原東於例耳第賢令實心實政鑿前轍勵後載必不愧公門桃李計報命時俸已踰期懇優薦示風秉彜之好迂愚爲疲邑非爲陳令也附呈高安叩 關疏揭原係不肖手稿小民

厄于當路阻撓其情毫非飾詞恐仁臺不俟讀畢爲之
痛哭流涕長大息矣協濟南昌倉米向議 題派之通
省僅纖微耳格於新建權相仍取盈高安銅鼓戍兵爲
寧新戍守皆士民所不平久抱恨而欲鳴者敢并懇以
備芻蕘之采

與沈華東糧道

祖臺高誼不以編氓自絕督過之儼然加禮此非道義
縮結不肖自無寬條矣古稱鮑知未足喻戴履屨持昌
可諉耶敝邑高安世苦虛賦則重漕多以不及貳百餘
里之邑派過於四五百里者從來一切追徵逋負甲通

密林漫稿

卷之九

三十一

省惟不欠兌漕當者如蹈湯火矣豈相繼守令盡弗良
高民果化外耶蓋山鄉不毛土瘠無膏所出之米花紅
尖細迥異他邑向來南昌衛交兌比鄰習之縱有外增
不甚踰漕例後張新建當國遽以其府楚軍易高安之
南昌糧里茶毒下萬弗堪上弗忍見幸賴戴郡君田令
君言之一時當事仁人諸公祖改官兌官民兩便大都
舊納卽不肖勺合付經里每糧石米至八斗銀至五分
輪年之家鮮不賸累甚有賣兒女喪身者詳議於本府
水府埠官先止米七斗二升銀二分半至唐主簿又自
呈減銀半分今止銀二分米七斗一升耳官樂趨事民

去一害不意以唐簿廉愛爲貪狡戴縣丞謀允計陷左遷其時祖臺尚未蒞任唐簿得報已追米過半而陳典史接管事經兩手役經兩官米入倉太久未免變色亦詢原未遵議如不肖條陳編船號照倉號編押差號亦照船號使有責成人心不同有如其面唐簿旣去可藉推諉典史甲員不便苛求於負屈去任之簿倘非祖臺破格主張軍日刁而典史日促後來者以典史爲戒必退縮不前市棍乘機射利官允終弗爲永例災切剝膚忘其唐突典史能了公事似當無問出納總之祖臺德意在惠民民已蒙惠數年可勿更張只於下年仰煩憲密林漫稿

卷之九

三十一

嚴申明初議銀則二分不多米似七斗不少寬一分民受一分賜卽升合之活無非明德領允必糧簿偶缺則以縣佐尉代斷不輕委府領又絕鑽刺免相戕一端也恃愛瑣屑多言呈恐成罪統惟崇原需負荆以異日民捐一摺倉記一冊附覽揭亦不肖具稿也

又

不穀生平迂慵未敢輕以隻字通偃室况上臺憲肅僻郡鄙人卽尋常套賀瀆尊爲恐知我罪我聽之矣昨輒以疲邑官允代陳典史干冒崇嚴迫于災切剝膚萬非獲已重荷寵靈典史得脫湯火不令後官以典史爲口

實谷且弗任卽永膺高安於湯火祖臺功德無量高厚
銜結匪一人私捧誦台諭惓惓爲高安軫念真仁人宅
心髮膚弗愛者傳之耄倪無不感泣他邑可否非其所
知如疲邑高安漕兌屬官民不入省已絕包攬宿弊盡
釐銀減二分米減七斗積苦之民六年安枕上免逋債
官刑下免家破身亡惟恐更張累官終自累耳已酉秋
假道章江曾言之來熙菴公祖及今兩院兩公祖最懇
最詳臆見僚庶率中才多而賢者少在異途卑員中才
亦少君之設官爲民官之設法亦爲民民不稱厲去恭
去甚足矣譬之負重者尋常直六十偶有無可輕之負
密林漫稿

卷之九

三十三

重已踰百一豐其直則負者爭先高安之漕兌遇楚軍
其重負百未足喻也前當刁悍後悚文法有害無利誰
復以身爲民扞乎聞陳典史以八十一石五斗起籌尚
賴祖臺威重藉第令下情難達典史勢必失利得辱因
辱蒙毀往者落魄來者却步此民情急於便官實爲自
便計也兌限原以冬月瑞河灘多水淺秋後之載凡遇
灘高處搬淺舟僅十餘石船戶之食未莫計而押筭之
書皂糧官之跟隨省倉之修補上下之腳價交兌之常
例中間且有下必不可省而上必不可問者費處不貲
就高安論惟米差可減如前所陳銀則二分不多米似

七斗不少升合皆涸轍之望也幸祖臺俯詳高安官解
倉兌書冊裁以高明一劑量之重新憲條行縣確議著
爲令庶民享永利無虛德意又敝邑虛賦呈揭是諸公
祖矜憐疲邑酌題蠲除不及六千祇緣舍親教龍華不
阿逢新建奸相遂粟取結之 旨塞其生路諸公祖不
能平曾委曲爲高安永免加派之說檄存貴司糧科誠
憫其虛逋吸髓髓盡弗堪速之斃耳近見湖廣奏派木
價疲邑未免復偏重之何也南昌糧五十萬餘瑞州湊
以高安虛糧僅二十萬今守道有行派南十之六而瑞
十之四公乎私乎蓋瑞如附庸小邦諸公祖孤孽目之
密林漫稿

卷之九

三四

執柄諸胥吏在在南人徃徃瑞任魚肉力艱赴愬致斬
諸公祖一視之仁茲固左證幸爲瑞民加察達之諸公
祖念瑞民水旱頻仍毫免加派勿使空增逋數國無實
益民有實損滿堂權笑一郡向隅尤所倦切引領者臨
穎悚仄不盡瞻依書冊碑刻附覽

荅盧貞常守道

自蒙天戮哭子無聊一切任弛問聞都絕故鄉緣敝邑
彭父母給由萬弗獲已從枕上口授致書王撫臺公祖
不及代懇祖臺知令之賢之苦素所推轂相憐者梓里
誼隆無須傍贅竟踈濶負臯時父老傳命且哀及亡兒

感泣刻衷尚未敢輕投尺一瀆尊倏奉溫諭腆錫儼然
寵之雲天高雅大悚失據戴德之私心可銘舌不可吐
也敝邑逋負咎在虛賦疲民莫支慈父無策從來催科
惟田鍾衡父母得給由蓋當日王撫院公祖在藩司曲
爲調停除舊例限以量完乃稱及數今彭高安完數過
之而稱不及誠司農督責令嚴時異勢殊俯念賢令周
旋玉成倚鼎之望不淺秋中假道北征叩首有期草率
占謝諸需樞請

與陳拙玄中尊

鄉辱虛懷欵教未詳官民糧丁原派遂至失對歸而詳

密林漫稿

卷之九

三五

詢父老草率畧陳令袁臺便上引領批示間有傳至刻
單者再集知事少長勘筭群然忻服林公祖所行蓋民
糧派差官糧不派差而糧差隨糧丁差隨丁原各有款
決不可淆以各里有糧多丁少者有丁多糧少者有糧
去丁存者今但令各圖經里或各里長願合者合願分
者分圖開圖總甲開甲總分各納戶于後可分可合各
戶自納者亦令詳開官米若干該銀若干民米若干照
單以折銀舊例四差三項分派該折銀若干舊例若干
四差若干人丁幾丁該銀若干婦女幾口該若干優免
若干除里甲不免本戶實共該納若干已完若干未完

若干從民自便分合則官民丁糧清楚卽有巧者無容彼此衷益高下其手浪聞城市鄉約妄言欲以丁銀同糧帶徵此非令甲滋擾聚訟萬萬不可未審此輩意欲何爲得無有丁無糧者姑作自私計乎神明炯照必不輕聽而知則必告仰承好問好察汪度又迂愚惟恐相負以備芻蕘采也目前上多催解權剋限通完四錢俟筭清圖里納戶自開單主方責納完非保戶催徵漫無着落集差人下鄉鷄犬不寧凡納戶單必註保戶無者尋各圖經里各甲里長保戶或認保或另報良善完民不必到官奸頑將人人無所逃非極貧苦者鮮不懷德密林漫稿

卷之九

三六

懷刑而爭先恐後已戶有勺合奉有收櫃卯期率兄弟姪子合室遵納爲合邑倡每經里令詳開本圖一單二張鈐印一留比卯一付執聽比各里長各納戶分納者各聽開二張一體鈐印留發幸仁臺照刻單另刻一易知長單發紙戶刷賣小民覺更稱便紙價不必費公帑半文官民丁口各戶冊明欲以民糧分搭官糧以丁差混搭糧差此弊竇也懇乞高明裁察唐突皇恐

荅陳拙玄中尊

承諭心缺敝邑貧苦故多逋負亦彭父母卯踈惰比人情遂玩倘如田父母追比得法逋少民安至今良頑並

感可券過不在下今聞嚴刑比飯戶經里田父母曾行之但其比卯限勤如應比者凡有封票卽免責另有堂號限此票不完納原差不與別差仍同飯戶欠戶比責倘所欠少而可辦者差人飯戶且有代封索償事此事不煩民不擾比卯一踈全完旣難良頑莫別逋之如故一也又專責經里飯戶不聽拘各欠逋戶丁痛癢弗關若據在官開戶欠名丁丁比責非真莫措非真奸頑者誰敢安坐恬不畏法耶惟專責而不開拘逋之如故二也林公祖停舊徵新有詞于民恨其急酷者不少服其寬恤者亦多此時催檄如雨安得置舊不問計必不可

密林漫稿

卷之九

三七

緩解若干以通邑該年逐戶筭如兩院近 題七分爲率完過七分者免開未及者拘比更分全欠半欠少欠的數糧多欠少積之比糧少欠多者數固多欠實少須清楚示人用緊解若干卽緊追若干每民糧一石該完若干大書揭示無論稻將登場便多方輸納無敢怨者不然逋之如故三也 朝廷有熱審欽恤况院道按臨耳目易及不拘欠戶而以飯戶經里代領苦併欠者人衆苦者豈寡監之則非時押之則載路偶遇上司群然泣訴終于仁父母未便姑准開拘花名寔在欠戶限以七分足數定限某時完多少有封票付飯戶經里者免

到官姑縱之逐戶催納如按院行後誓不輕貸則感恩畏威完必過半不然迫以招尤逋之如故四也丞簿尉吾輩恐其異類生禍寧自勞不輕托之第高安繁冗糧多戶衆一一躬比則不勝緩比則不完愚意仁臺月限一比或偶有公妨出不意送佐領三衙分比衙或各一區三日一呈堂察其有受賄賣比徵封數少與執法體情却賄善比徵封數多者爲殿最序則能官旣足了公貪鄙亦免生禍故一日二日萬幾得無爲而泊不然逋之如故五也再思丞簿尉之比止發堂簿比訖卽送堂次日開比上堂領簿日以爲常凡稟弊者不可輕信不密林漫稿

卷之九

三八

可不信人必兢兢効職下必兢兢爭輸士君大經綸須大學問主張仁臺一味公廉已是學問經綸公生明廉生威前所陳千慮之一得采之無心千慮之一失任之無心倘猶飛臣弋獲乎高明虛懷數陳芻蕘誕率不倫統恃信令師丘老先生曲原其無忌在不敢負神交知已于夜臺耳

與陳拙玄中尊

按臺入省未有定期今具書先呈其王母貞節傳頌老父母差一的當役充義官給批具文代賞取批廻如何端節已近撫臺小孫之遣當於初六行也七分給由爲

官原係爲民民有良頑法無損益今不信迂愚止信奸
口致諸生撫院前已有仰孤其恩德之稟良者不免嚴
併於限外頑者任營寬逋於限內衆口嗷嗷恐撫院耳
目切近士民難調如前請幾敗乃公事通市謗議且及
無干病夫此遲疑不敢通撫院亦以芻蕘無一見采過
聽左右昨非余關二公祖主張居停較斛之累不小難
於違台命致禍其身家將波及不佞身家可駭可畏已
令商遊白下避是非千里外矣民之父母必好民好惡
民惡好惡不惟民惟左右惟諸大夫士不佞矢塞兌絕
口寧開臯台嚴萬萬不敢作對也頻荷虛懷直布其愚

密林漫稿

卷之九

三九

皇恐冒辟原之乎否

荅拙玄陳中尊

不佞入山惟恐不深自歸卧迄今毫不敢與聞外事此
病夫分也雖老父母以令師丘老先生神交謬信枉教
敝廬苦內有神奸外多刁健直則賈禍隱則相欺寧踈
獲臯久之或有諒時先封君一明理齊民耳能使族里
五十年無訟今不肖宜家無範不數旬混擾者衆以老
父母推情太過意在止訟祇令繁訟不佞曾任有司惟
法中求可宥之情從未敢徇情廢一法亦謂舜孔寬仁
之實在誅四凶少正卯刑期無刑法以止法不吐剛不

茹柔天下乃平而畏疆禦侮鰥寡道所弗載君子平政之謂何故迂拙亦初見忤而久見原總之歿生富貴有命立命學問在歿壽不貳修身以俟老孟子豈欺我者承台發二詞朱鄒安朱嶺等互告詞實當正應坐之罪詞虛自有反作之條法不宜輕犯而輕恕之第蒙推愛諸生業已戴德今宗祠眾議罰懲若朱茂之告朱吾禮執其詞問其祖絕無典棺推跌影嚮以禮係同祖弟茂係同曾祖侄親支衆盛公論難泯亦共取服詞責戒不敢再擾二詞附上家難而天下易寒宗人踰數千賢愚不一此後仁臺果保全不佞願一以法斷庶免養亂如

密林漫稿

卷之九

四十

今手勒率謝臨穎皇悚

荅馮父母

瘠邑賦重民貧逋負甲江省下苦上累所從來矣此王撫臺公祖由守南昌至開府久於地方目擊心惻遂商之陳按臺有陝西上疲七分給由比例之 題亦見高賢大良令茲邑者往往以恤民掣肘耳今徼天厚幸仰借福星照臨正高安更生之秋大樹瞻斗亟切登龍奈老朽寔病寔衰尚怯春寒未能出戶度必可以不爇方堪匍伏待請須改月爲期也老父母仁政仁聲閭閻感激懽呼口碑雷動承示鄉約有呈輒欲刻聞當路一腔

惻隱奚啻傷赤子將入井念乎持告士民無不感泣
舞聽台諭矣一切存要刪繁以便觀覽惟高明詳財教
之輿誦佳稿理學文章本之聖賢心思發之道德作用
他日銓諫台鼎基此珎以矜式子弟輩貴同年徐君載
啓及二帖領訖手勒率謝別有唐突敢布蕩蕩亮之

又啓

邊警未寧司農告乏加派不免正供安可緩也但民心
惟公則感動易必細查糧數開欠多寡而比之寬嚴因
焉不及七分者嚴追已及七分者停比俟通邑戶戶及
數再行比足如富貴糧多大戶示以全完不待限比者

密林漫稿

卷之九

四十一

特獎示勸更嚴核包攬該房懸吊夙弊窮戶小民隨力
應封姑免責令之子來比必分區區或一月兩比田鍾
老父母美意良法可攷而知從來少逋亦高安所稀見
大都良者歲歲良頑者歲歲頑一寬良嚴頑頑化而良
益良矣喫緊聽經里開拘頑者不則痛癢弗關專苦經
里無益於逋不佞戶有勺合年倡親支遵限輸納朱姓
人衆親族亦衆凡藉口者乞更重懲惟大同甦息仁恩
大同沾之可也再布腹心仰倚虛懷倍常悚企容端荆

請

